

ասում կը լինի. — «ա՛խ, ի՞նչ եղաւ, չեկաւ որդիս, փլաւը սառեց, ա՛խ չեկաւ, որ ուտե՛ք»... Իմ խեղճ մայրն էլ այս խօսքերը լսելով մեռաւ, բայց սիրելի որդու երեսը չտեսաւ... խա՛... խա՛... խա՛... — Դու էլ, Ֆարիատ, միւս անգամ մօրդ եփած փլաւը չե՛ս ուտի...

Նա սկսեց դարձեալ ծիծաղել: Չատկական փլաւը աղքատ ընտանիքի աղքատ զաւակի համար մի այնպիսի բարիք էր, որ նա երբեք մոռանալ չէր կարող: Արեւելեան կերակուրների այդ թագուհին, որ հարուստները վայելում են համարեա ամէն գիշեր, աղքատի տանը մուտք է գործում տարեն մի անգամ միայն, այն է զատկական տօնի օրը: Բայց իմ ցաւը փլաւը չէր, ես գիտէի, որ մեր տանը այն գիշեր փլաւ չէր լինի եւ ոչ որեւիցէ զատիկոյ կերակուր, որով մայրս եւ թոյրերս կարողանային իրանց քառասուն օրոյ պասը բաց անել: Ինձ միայն դուր չեկաւ Սագօյի վայրենի զգացմունքը դէպի մայրական գուլթը. ես երեսս շուռ տոյի նրանից եւ դարձայ դէպի Կարօն, որ գիտով լիքը ահագին գաւաթը մեկնեց ինձ, ասելով.

— Խմի՛ր:

— Այսքանը չեմ կարող խմել, — պատասխանեցի ես հրաժարօրով:

— Խմի՛ր, կսովորես... — ասաց նա ժպտելով:

Ես դարձեալ հրաժարօրեցայ:

— Ես էլ առաջ գինու հոտը առնելիս հարբում էի. — մեջ մտաւ Սագօն, — բայց հիմա՞...

— Հիմա ուրիշները քո հոտը առնելիս հարբում են... — վրայ բերեց երկու անծանօթ երիտասարդներից մէկը, որ բոլոր ժամանակ լուռ էր:

Ես ընդունեցի Կարօյի ձեռքից գինու գաւաթը եւ դատարկեցի մինչեւ կեսը. այդ առաջինն էր մինչեւ այնօր, որ միանգամից այնքան խմեցի:

Խօսակցութիւնը գնալով աւելի կենդանանում էր. գինու գաւաթը արագութեամբ պտտւում էր. լուռ էր միայն Ասլանը, թէեւ նա եւս ընդունած բաժակը մինչեւ վերջին կաթիլը ցամաքեցնում էր:

Ինձ բոլորովին անծանօթ մնացին երկու երիտասարդները, որոնց մէկին կոչում էին Մուրադ, իսկ միւսին Ջալլադ: Ովքե՞ր էին նրանք կամ որտեղացի՞, — ես չկարողացայ գիտենալ. միայն ինձ երեւում էր, որ Չեյթունի կողմերից պետք է լինէին, եւ նրանց թէ հագուստի ձեւերը եւ թէ բարբառը հաստատում էին իմ կարծիքը: Չգիտեմ, թէ ինչո՞ւ ես այնպէս հակակրօնութեամբ էի վերաբերում դէպի այդ երկու վիթխարի տղամարդիկը, որոնց թէ խօսակցութիւնը, թէ վարմունքը եւ թէ դէմքերը արտայայտում էին կատաղի վայրենութիւն: